



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Ab Alexandro VII. Ad Clementem X.

**Luxemburgi, MDCCXLII.**

VI. Innovatio Litterarum Innoc. X. Quod Commendatarii, Monasteria Ordin.  
Cistercien. in Commendam obtinentes, nullam in Monasteria sibi  
commendata, quoad eorum Monachos, jurisdictionem exercent.

---

[urn:nbn:de:hbz:466:1-74833](https://nbn-resolving.org/urn:nbn:de:hbz:466:1-74833)

Ad 16. Subjacere durante absentia.  
 Ad 17. Recuperare.  
 Ad 18. Non reviviscere.  
 Ad 19. Debere ita procedere, nec ante declaratoriam licere Episcopo Conventus possessionem apprehendere, aut Religiosos inde expellere.  
 Ad 20. Licere ad effectum devolutivum tantum, non autem suspensivum.  
 Ad 21. Etatem maturam dici ad hunc effectum completo anno quadragesimo.  
 Declarationes suprascriptas S. D. N. ad se relatas approbavit, & ab omnibus, ad quos pertinet, observari præcepit, contrariis quibuscumque non obstantibus. Datum Romæ die 27. Julii 1655.

*Anno à Nativitate Domini Nostri Jesu Christi, millesimo sexcentesimo quinquagesimo quinto, Inditione 8. Pontificatus autem Sanctissimi in Christo Patris, & Domini N. D. Alexandri Divini Provid. Papæ VII. Anno ejus primo die vero 6. mensis Augusti, supra dictam Declarationem affixam, & publicatam fuisse in Ecclesia Later. Basilicæ Principis Apostolorum de Urbe necnon Cancellariæ Apostolice. Valvis, ac in acie Campi Floræ, & aliis locis solitis, & consuetis Urbis per me Laurentium Lazzonium Apost. Cursorem.*

*Pro D. Mag. Curs. A. Castrucius.*

V. Confirmatio Privilegiorum omnium concessorum, tam Guardiani Sacri Montis Sion, quam Fratibus necnon locis Terræ Sanctæ.

*De locis Terræ Sanctæ lege que notavi ad Constit. 117. Salvatoris. Urbani VIII.*

Edita An. D. 1655.

ALEXANDER PAPA VII.

*Ad perpetuam rei memoriam.*

Exordium.

**P**lis Christi fidelium votis ex quibus Sanctorum locorum venerationem, & animarum salutem provenire conspicimus libenter annuimus, & illa quantum nobis ex alto conceditur favoribus Apostolicis confovemus.

Supplicatio.

§. 1. Cum itaque sicut dilectus filius Franciscus Ripol. Ord. Fratrum Minorum S. Francisci de Observ. nuncupatus Professor, Sacræ Theologie Lector, ac Prædicator Generalis Provinciae Cathalonæ, necnon Commissarius, & Procurator Generalis totius Familiæ Terræ Sanctæ, Nobis nuper exponi fecit, ipse ad ejusdem Terræ Sanctæ subsidium, eorumdemque Fratrum inibi vineam Domini assidue excolentium, Sacraque loca venerantium subventionem, necnon ad spirituales Catholicorum in illis partibus degentium, eoque devotionis causa peregrinantium consolationem, & profectum, omnia & singula gratias, privilegia, & Indulgentias huc usque Sacris ejusdem Terræ Sanctæ locis Apostolica auctoritate concessa, & confirmata per Nos eadem auctoritate etiam confirmari, & approbari plurimum desideret.

Abfolvit à censuris.

§. 2. Nos desiderio hujusmodi annuere, ipsumque Franciscum specialibus favoribus, & gratiis prosequi volentes, & à quibusvis excommunicationis, suspensionis, & interdicti aliisque Ecclesiasticis sententiis, censuris, & pœnis à jure, vel ab homine quavis occasione, vel causa latis si quibus quomodolibet innodatus exiit ad effectum præsentium dumtaxat consequendum harum serie absolventes, & absolutum fore censes supplicationibus illius nomine Nobis super hoc humiliter porrectis inclinati, omnia, & singula privilegia, concessiones, facultates, in-

dulta, Indulgentias, cæterasque gratias spirituales, & temporales eisdem locis, & illa visitantibus, necnon d. Ord. Guardiani, & Fratibus in dictis partibus degentibus per quoscumque Romanos Pontifices Prædecessores Nostros, & Sedem Apostolicam in genere, vel in specie aut alias quomodolibet concessa quatenus sint in usu, & non sint revocata, aut sub aliquibus revocationibus comprehensa existant, Sacrisque Canonibus, Constitutionibus Apostolicis, ac Conc. Trident. Decretis non adferentur Apostolica auctoritate tenore præsentium confirmamus, & approbamus, ac perpetuæ, ac inviolabilis Apostolicæ firmitatis robore communimus, ac omnes, & singulos tam juris quam facti defectus si qui desuper in eis quomodolibet intervenerint supplemus, nec non insuper omnibus, & singulis eorumdem Fratrum interpretibus nunc Hierosolymis, Berthelem, & Nazareth existentibus, & viventibus in cujuslibet eorum mortis articulo si verè pœnitentes, & confessi, ac sacra communione refecti, vel quantumvis id facere nequiverint saltem contriti nomen JESU ore si potuerint, sin autem corde devotè invocaverint plenariam omnium suorum peccatorum Indulgentiam, & remissionem misericorditer in Domino concedimus, & elargimur, non obstantibus Constitutionibus, & ordinationibus Apostolicis cæterisque contrariis quibuscumque.

Confirmatur in Rubrica.

Concedit Fratibus in art. mortis Indulg. plen.

Datum Romæ apud S. Mariam Majorem sub Annulo Piscatoris die 3. Augusti 1655. Pontific. nostri Anno primo.

Dat. P. A. 1. die 3. Aug.

Innovatio Litterarum Innoc. X. Quod Commendatarii, Monasteria Ordin. Cistercien. in Commendam obtinentes, nullam in Monasteria sibi commendata, quoad eorum Monachos, jurisdictionem exercent.

VI.

*Cisterciensium Ordo fuit institutus à Divo Ruberto, & à Divo Bernardo illustratus, & temporis intervallo valde præpagatus. Six. V. Const. 34. tom. 2. Cisterciensium Monasteria Mulieres ingredi prohibuit Greg. IX. Constitut. 7. §. 2. tom. 1.*

ALEXANDER PAPA VII.

Edita An. D. 1655.

*Ad futuram rei memoriam.*

**E**Xponi Nobis nuper fecerunt dilecti filii Nicolaus Dunin Ord. Cistercien. in Regno Poloniæ Vicarius, & Visitator Generalis, cæterique Coabbates dictorum Ordinis & Regni per suum in Romana Curia Procuratorem, quod à fel. rec. Innocentio Papa X. Prædecessore Nostro, ad instantiam dilecti filii Claudii Abbatis Generalis ejusdem Ordinis de mense Septembris anni proximè præteriti 1654. emanarunt in simili forma Brevis Litteræ tenoris sequentis, videlicet.

Supplicatio.

§. 1. Innocentius Papa X. Ad futuram rei memoriam. Pastoralis officii nobis divinitus commissi partes esse cognoscimus ut Religiosorum virorum in humilitatis spiritu sub suavi Religionis jugo Altissimi obsequiis mancipatorum commodis, & felici directioni intendentes illos à dispendiis quibuslibet quantum Nobis ex alto conceditur asseramus. Sanè pro parte dilecti filii Claudii Abbatis Generalis Ord. Cisterciensis per ejus Procuratorem Nobis nuper expositum fuit, quod licet peculiaris Ordin. prædicti privilegia à quam plurimis Romanis Pontificibus, & signanter à fel. rec. Pio II. Sixto V. Innocentio VIII. Pio IV. Pio V. & Greg. XIII. Prædecessoribus Nostri concessa, & confirmata respectivè disponant & de-

Recenset Litteras Innoc. X. Const. 59.

clarent, quod Commendatarii Monasteria d. Ordinis in Commendam obtinentes nullam in Monasteria sibi commendata, quoad eorum Monachos jurisdictionem exercent, sed visitatio ad Abbatem Cistercii, & primos quatuor, ac eorundem Commissarios ad eandem visitationem recipere, & in eorum manibus professionem emittere debeant, Commendatarii vero ne quempiam propter delictum ejiciant, sed quotiescumque Monachi quid admiserint, quod quidem animadversione dignum sit, id quamprimum Priori claustrali, vel Commissario significant qui correctionem juxta Ordinis prædicti Statuta faciat, ac demum Prior, & Subprior in iisdem commendatis, seu commendandis Monasteriis Officiales spirituales, & temporales d. Ordinis Professi, & non seculares per Commendatarios, etiam si S. R. E. Cardinales fuerint instituatur; & præterea Concilii Tridenti decreto sess. 25. cap. 20. statutum reperitur ut Priores Claustrales, aut in Prioratibus Conventum habentibus Superiores qui correctiones, & spirituale regimen exercent à Capitulis Generalibus, vel ipsorum Ordinum visitationibus instituatur; ac insuper à Congregatione venerab. Fratrum Nostrorum ejusdem S. R. E. Cardinalium negotiis, & consultationibus Episcoporum, & Regularium præposita resolutiones præmissis, ac Constitutionibus Apostolicæ innixæ emanaverint die 2. Augusti 1647. quibus tunc existenti Nostro & Sedis Apostolicæ in Regno Poloniae Nuncio junctum fuit ut serio invigilaret ne Commendatarii hujusmodi, & signanter dilectus pariter Filius Alexander Donhoff Commendatarius Monasterii Andreovien. Ordinis prædicti Cracovien. Diocæs. circa Officialium electiones, vel circa Monachorum vitam & mores, ceteraque Institutum Regulare spectantia se ingererent, nihilominus iidem Commendatarii passim & in primis prædictus Alexander Donhoff in vim Litterarum Apostolicarum super eorundem Monasteriorum Commendis expeditarum in quibus hujusmodi Monasteriorum cura, regimen, & administratio tam in spiritualibus, quam temporalibus plenariè committitur, præterdunt jus instituendi, ac desituendi Priores, & Officiales claustrales visitandi, corrigendi, statuendi, ordinandi, & exercendi ea quæ Institutum regulare contingunt, eorundemque Commendatariorum nonnulli non contenti redditibus, ac fructibus quorum majorem partem ex opulentioribus d. Ordinis Monasteriis colligunt in alienam insuper messem veluti in electiones, & depositiones Priorum, & Subpriorum, aliorumque Officialium, ac etiam in visitationes, & Monachorum correctiones falcem mittere præsumentes prædicta privilegia, & Constitutiones Apostolicas contemptui habent in grave ejusdem Claudii Abbatis immò universi Ordinis prædicti jurium præjudicium, quare idem Claudius Abbas Nobis humiliter supplicari fecit ut in præmissis opportunè providere de benignitate Apostolicâ dignaremur.

§. 2. Nos igitur dictum Claudium Abbatem specialibus favoribus, & gratis prosequi volentes, & à quibusvis excommunicationis, suspensionis, & interdicti, aliisque Ecclesiasticis sententiis, censuris, & penis à jure, vel ab homine quavis occasione vel causâ latis si quibus quomodolibet innodatus existit ad effectum præsentium dumtaxat consequendum harum serie absolventes, & absolutum fore censentes, hujusmodi supplicationibus inclinati, de prædictorum Cardinalium consilio inherentes præallegatorum Romanorum Pontificum Prædecessorum Nostrorum privilegiis Ordinis Cisterciensis hujusmodi concessis, ac decreto ejusdem Sacri Concilii Tri-

dentini, & resolutionibus aliis desuper factis Apostolicâ auctoritate tenore præsentium declaramus, decernimus, ac statuimus non licere Commendatariis, Priores, Subpriores, aut Officiales claustrales instituere, ac desituere, visitare Monachos, eosdemque corrigere, nec facultates eisdem in Litteris Apostolicis concessas, & expressas, prout supra ad ea quæ Institutum Regulare concernunt, ac tenore prædictorum privilegiorum, & Sacri Concilii dispositione Monastico Regimini relinquatur trahi posse, ac debere.

§. 3. Ideoque dilectis Filiis Nostris, & Sedis prædictæ Nunciis, sive etiam locorum Ordinariis, vel d. Ordinis Conservatoribus per eandem præsentibus injungimus, ut quotiescumque requisiti fuerint ab hujusmodi vexationibus, ac violentiis manifestis Commendatario per censuras, & alia juris remedia, invocato etiam si opus fuerit brachii secularis auxilio cohibeant, & comescant salva semper in præmissis auctoritate Congregationis eorundem Cardinalium.

§. 4. Decernentes præsentibus Litteras semper firmas, validas, & efficaces existere, & fore, ac ab omnibus ad quos spectat, pro tempore spectabit inviolabiliter observari, sicque in iisdem præmissis per quoscumque Judices Ordinarios, & delegatos, etiam causarum Palatii Apostolici Auditores judicari, & definiti debere, ac irritum & inane quidquid secus super his à quocumque quavis auctoritate scienter, vel ignoranter contigerit attentari, non obstantibus præmissis, ac rec. mem. Bonifacii Papæ VIII. de una, & in Concilio edita de duabus dietis, dummodò ultra tres dietas aliquis auctoritate præsentium in judicium non trahatur, aliisque Apostolicis, ac in Universalibus, Provincialibusque Conciliis editis generalibus, vel specialibus Constitutionibus, & ordinationibus nec non prædicti Ordinis etiam juramento, confirmatione Apostolicâ, vel quavis firmitate alia roboratis, statutis, & consuetudinibus privilegiis quoque, indultis, & Litteris Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores præsentibus pro plenè, & sufficienter expressis habentes illis aliis in suo robore permansuris ad præmissorum effectum specialiter, & expressè derogamus, ceterisque contrariis quibuscumque. Volumus autem, quod præsentium transumptis, etiam impressis, manu alicujus Notarii publici subscriptis, & sigillo personæ in dignitate Ecclesiasticâ munitis, eadem prorsus fides in judicio, & extrâ adhibeatur, quæ præsentibus ipsis adhiberetur, si forent exhibitæ, vel ostensæ.

Datum Romæ apud S. Mariam Majorem sub annulo Piscatoris, die 25. Septembris 1654. Pontificatus Nostri anno 10.

§. 5. Cum autem sicut eadem expositio subjungebat antè completam præinsertarum Litterarum hujusmodi executionem obitus ejusdem Innocentii Prædecessoris supervenerit, proindeque cupiant iidem Exponentes pro firmiori earundem præinsertarum litterarum subsistentia illas auctoritate Nostrâ Apostolicâ confirmari. Idcirco Nos eosdem Exponentes specialibus favoribus, & gratis prosequi volentes, & eorum singulares personas à quibusvis excommunicationis, suspensionis, & interdicti, aliisque Ecclesiasticis sententiis, censuris, & penis à jure, vel ab homine quavis occasione, vel causâ latis si quibus quomodolibet innodatæ existunt ad effectum præsentium dumtaxat consequendum harum serie absolventes, & absolutas fore censentes, supplicationibus eorum nomine Nobis super hoc humiliter porrectis inclinati, de Venerab. Fratrum Nostrorum S. R. E.

Executores  
deputat.Decretum  
irritansInnovat præ-  
insertas Lit-  
teras.

Cardinalium negotiis, & consultationibus Episcoporum, & Regularium præpositorum consilio, præferas d. Innocentii Prædecessoris Literas cum omnibus, & singulis in eis contentis, Apostolica auctoritate tenore præsentium confirmamus, & approbamus, illisque inviolabilis Apostolicæ firmitatis robur adjicimus, ac omnes & singulos tam juris, quam facti defectus si qui desuper quomodolibet intervenerint supplemus. Decernentes præsentis Literas semper firmas, validas, & efficaces existere, & fore, suosque plenarios, & integros effectus fortiri, & obtinere, & ab omnibus & singulis ad quos spectat, & pro tempore spectabit inviolabiliter observari, sicque per quoscunque Judices Ordinarios, & delegatos, etiam causarum Palatii Apostolici Auditores judicari, & definiri debere, ac irritum & inane si quid secus super his à quoquam quavis auctoritate scienter, vel ignoranter contigerit attentari. Non obstantibus omnibus, & singulis illis, quæ idem Innocentius Prædecessor in dictis suis Literis præinfectis voluit non ob stare, cæterisque contrariis quibuscunque.

Dat. P. An. I.  
die 26. Aug.

Datum Romæ apud S. Mariam Majorem sub Annulo Piscatoris, die 26. Augusti 1655. Pontific. Nostri Anno Primo.

VII.

Moderatio facultatum Rev. Fabricæ Basilicæ Principis Apostolorum de Urbe circa Legata, Pauperibus in genere facta.

De hac materia Jul. II. Constit. 23. Liqueat omnibus, Leo X. Clem. VII. Constit. 3. Admonet, Constit. 9. Dudum, Paulus III. qui refert Constit. Jul. II. & Leo X. Constit. 31. Dum Universos, Jul. III. Constit. 15. Accepimus, Pius IV. Constit. 62. De Commissio, Pius V. Constit. 96. Decet. Constit. 97. Exigit. Sixtus V. Constit. 95. Clemens VII. Constit. 115. Quæcumque.

Edita An. D.  
1655.

ALEXANDER PAPA VII.

Ad futuram rei memoriam.

Exordium.

Superni dispositione consilii vices illius gerentes in terris, qui pauperum curam fidelibus suis præcipiens, quod uni ex illis fieret sibi factum asseruit, in his pastoralis Officii Nostri partes affectu paterno libenter interponimus, per quæ eorundem pauperum, & præsertim per viros, & plateas mendicantium necessitatibus opportunè consuli arbitramur.

Constit.  
causa.

§. 1. Cum itaque retroactis temporibus fel. record. Julius II. Leo X. Clemens VII. Paulus III. & alii forsân Romani Pontifices Prædecessores Nostri, ut in honorem Principis Apostolorum Basilica opere supra cæteras magnifico, & elegantissimo in hac Alma Urbe Nostra construeretur, perpendentes suas, & Apostolicæ Sedis facultates ad id minimè suffecturas, Fabricæ d. Basilicæ, seu ejus Collegio inter alias plures gratias, facultates, & privilegia, applicaverint legata pauperibus in genere sive speciali determinatione, & propriis nominibus personarum non expressis relicta; cumque, hujus applicationis ratione pauperes, & potissimum mendicantes legatis sibi relictis privati remaneant, multique pii fideles retrahi, vel saltem tepidiores reddi possint ad relinquendum legata pia, quæ aliàs in eorundem pauperum commodum relicti essent, dubitantes irritas, & inanes evasuras similes eorum dispositiones, & in prædictæ Fabricæ utilitatem ob privilegia præfata cessuras: Nos licet ad absolutam Fabricæ d. Basilicæ terminationem, illiusque ornamur à die nostræ ad Summum Apostolorum assumptionis mentem direxerimus, considerantes nihilominus ejus admirabilem structu-

ram ad optatum ferè finem esse perductam, ac proinde longè minorem pecuniarum quantitatem nunc pro ejus perfectione, & conservatione, quàm de tempore concessionis antedicti, & aliorum ejus privilegiorum esse necessariam; æquum, & rationi consentaneum esse censuimus, ut sublato privilegio hujusmodi impedimento Christiani pauperes in posterum legata sibi relicta, & pro tempore relinquenda plenè, & liberè capiant, & consequantur.

§. 2. Motu itaque proprio, ac ex certâ scientiâ, & maturâ deliberatione Nostri, deque Apostolicæ potestatis plenitudine, hæc Nostrâ perpetuò valiturâ Constitutione statuimus, decernimus, & declaramus, legata pauperibus in genere ubicumque locorum relicta, & pro tempore quandocumque, & quomodocumque relinquenda non amplius sub legatorum incertorum nomine in Beneficium d. Fabricæ, juxta prædicta ejus privilegia converti, neque sub ejus facultatibus comprehendendi, sed illa omnia veluti alia certa pia legata in commodum, & beneficium pauperum, qui sub tali nomine secundum juris interpretationem comprehenduntur, plenè, & integrè, juxta pias legantium dispositiones cedere, ac iisdem pauperibus ab hæredibus, aliisque obligatis, seu à testamentariis, Executoribus, vel aliis quibus legatorum prædictorum solutio, seu executio commissa fuit, & erit pro tempore, eadem legata sive in pecunia, sive in frumento, pane, vino, aliisque ad humanum usum necessariis consistant, modis, temporibus, ac diebus à Testatoribus, seu Legantibus præscriptis solvi & consignari debere.

Legata in genere pauperibus relicta eidem distribui decernit.

§. 3. Quod si ob moram, seu negligentiam hæredum, aut Executorum, seu aliorum obligatorum, vel etiam ob mortem eorum, quibus pauperum nominatio, & electio, seu aliàs legatorum executio commissa fuerit, eorundem legatorum solutionem, seu consignationem ultra debitum tempus differri, vel impediri contingat, volumus, & mandamus, ut locorum Ordinarii, & illis deficientibus Commissarii, & Ministri prædictæ Fabricæ in casibus, in quibus aliàs præmissorum executio de jure, & secundum facultates ejusdem Fabricæ ad eos devolvitur, voluntatem Testatorum, & relinquendum legata hujusmodi ad commodum & Beneficium eorundem pauperum dumtaxat, prout servatur in aliis legatis certis, exequantur.

Ob moram vel negligentiam hæredum Ordinarios & Ministros Fabricæ in subsidium Executors designat.

§. 4. Porro quoad legata pro piis operibus in genere etiam ad arbitrium, nominationem, electionem, seu declarationem certorum Executorum, seu aliorum specificandis, declarandis relicta, nullum præsentis Nostræ Constitutione eidem Fabricæ præjudicium inferre, nihilque super iis de novo statuere intendimus, quinimò omnia, & singula ejus jura, & privilegia per Summos Pontifices Prædecessores Nostros hæctenus in præmissis concessa præservamus, in casibus tamen in quibus Executors, seu alii præfati, quibus competit facultas (quam per hujusmodi privilegia Fabricæ nullatenus impediri volumus) illam exercere, & ad nominationem, electionem, seu declarationem devenire nolint, vel nulla facta declaratione decesserint.

In reliquis legatis jura Fabricæ intacta conservat.

§. 5. Hanc verò Constitutionem, tam in casibus futuris, & deinceps contingentibus, quàm in præsentibus, & præteritis, præterquam in eis legatis, & relictis, quæ hæctenus à præfata Fabrica, seu ejus Ministris agnita, acceptata, & incorporata fuerint, etiam si super illis in quacumque instantia lis pendeat indecisa, servari, locum habere volumus, & declaramus. Cæteris autem ejusdem Fabricæ, seu illius Collegii privilegiis, gratiis, & facultatibus in iis, quæ præsentibus non advertantur, nullum ne minimum quidem præjudicium per præsentis illarum, aut illis derogatum esse,

In quibus casibus Constit. locum habet.

seu